



A LASCITA

Un'intricciata di parole
Nant'à un versu chì mi stona

Hè a fortuna da i mei:
M'anu lasciat'una canzona

Un dolce affettu, una carezza
M'anu lasciatu un amore

À li mo andati u so bracciu
A forza immensa di u fiore

M'anu lasciatu tanta brama
Per una vita à fà fiurisce

Cum'è li chjass'innargentati
Dissegnanu le longhe strisce

**Tuttu per mè ma micca solu
M'anu lasciatu à tramandà
Apri le mani Ò figliulè
Per lu tempu chì venerà**

M'anu datu è m'anu datu
Eppo turneraghju à dà

Chì l'acqua corr'è si ne volta
Ma nùn pianta di macinà

**Avà sò ricca à puesie,
Di rime, versi è sapè fà
Cum'una sporta di susine
Cum'è le rise à spampillà**

M'anu lasciatu mille stelle
È centu soli à li mo ochji

È u sperà ci si rinnova
È luce sempre in li to ochji

Le tressage des mots
Sur un air surprenant

C'est un bonheur venu des miens:
Ils m'ont laissé une chanson

Une douce et affectueuse caresse
Ils m'ont laissé un amour

Un soutien pour ma route
La force immense de la fleur

Ils m'ont laissé tant de désirs
Pour une vie qui va fleurir

Comme les sillages d'argent
Qui dessinent le chemin

**Ils m'ont tout laissé
Mais pour transmettre
Tends les mains petit enfant
Pour l'avenir qui s'ouvre à toi**

Ils m'ont donné, donné encore
Et je continuerai à donner

Car l'eau va et vient
Mais ne cesse de courir

**Désormais je suis riche de poésie
De rimes, de vers et de savoir-faire
Comme un panier de prunes
Comme des rires qui étincellent**

Ils m'ont laissé mille étoiles
Et cent soleils pour mes yeux

Et l'espoir s'y renouvelle
Pour qu'il brille dans les tiens

TEXTE ET TRADUCTION:
Patrick CROCE.